

## **ACTIVIDADES PREVISTAS POLA ANPA PARA O CURSO 2024/25**

A Asociación de Nais e Pais de Alumnos/as do CEIP de Roxos é unha asociación sen ánimo de lucro formada por persoas voluntarias que, segundo queda recollido nos seus estatutos, ten como fins principais a defensa do dereito dos nenos e nenas a recibir unha **educación integral**, o apoio e fomento da **participación das familias** na formación dos seus fillos e fillas e a promoción e **realización de actividades** de carácter educativo, cultural e deportivo que favorezan o proceso formativo de todo o alumnado.

A ANPA de Roxos entende o seu labor dende a **cooperación e o traballo colectivo** tanto co colexio coma cos demais axentes da comunidade na que se integra. Neste senso, pretende servir como vehículo de comunicación entre as familias e a dirección do centro escolar e de igual xeito en sentido inverso. Cando a situación o requira, a ANPA tamén exercerá –sempre que sexa posible– como altofalante das familias e da comunidade educativa ante os organismos e/ou unidades administrativas que sexa pertinente (concello, inspección educativa, xefatura territorial...), tanto de xeito unilateral por parte da asociación, coma de forma conxunta co colexio cando a directiva do mesmo o considere necesario.

Neste curso o traballo da ANPA –sen perder de vista os estatutos– xirará ao redor de tres grandes eixos vertebradores:

### **1. FOMENTO DA COMUNICACIÓN E DA PARTICIPACIÓN DAS FAMILIAS**

Dende a Asociación de Nais e Pais de Alumnos/as de Roxos considérase que unha **comunicación bidireccional fluída** é a mellor ferramenta para que os pais, nais e titores legais do alumnado poidan manter co colexio unha relación saudable baseada **no respecto e na confianza**.

Outras das novidades deste curso serán as campañas destinadas a captar novos socios, buscando chegar ao maior número posible de familias e na procura dunha maior **lexitimidade** baseada no incremento da **representatividade**.

#### **Accións destinadas a fomentar a comunicación e a participación das familias**

Creación de canais de difusión coas novidades que surxan

Creación de contidos para o Facebook da asociación

Envío de correos coas actividades previstas

Campañas periódicas para a captación de novos socios

Emprego do servizo Abalar cando as destinatarias da mensaxe sexan todas as familias

Celebración de reunións e asembleas informativas con carácter periódico

En resumo, trátase de que as familias do CEIP de Roxos saiban que tamén teñen a opción de falar e de ser escoitados/escoitar ou, o que é o mesmo, que sintan que son unha parte importante da comunidade educativa.

## 2. AMPLIACIÓN DAS ACTIVIDADES EXTRAESCOLARES PARA O ALUMNADO

Este curso, a Asociación de Nais e Pais de Alumnos/as volve organizar, xunto coas empresas VAIDAVAI EVENTOS, CLUBE DE ATLETISMO DE O PINO, CLUBE DE BALONCESTO GALOGRIM e STEMROBOTS, unha serie de actividades extraescolares que se realizarán durante as xornadas lectivas, en horario de 16:30 a 17:30 e de 17:30 a 18:30, nos seguintes espazos autorizados: aula de psicomotricidade, pavillón, patio e comedor. As actividades que se van levar a cabo, suxeitas aínda a posibles cambios tanto de grupos coma de horarios no momento de redactar este informe, son: **atletismo, patinaxe, judo, ballet, baloncesto, teatro, robótica, cociña, baile moderno, xogando co inglés e fútbol.**

Hora	Lugar	Luns	Martes	Mércores	Xoves	Venres
16:30 – 17:30	Aula psicom./ Aula de relixión	Xogando co inglés	Teatro Robótica	Ballet (infantil e primaria)	Judo Xogando co Inglés	Baile Moderno Robótica
	Pavillón	Fútbol	Atletismo	Fútbol	Atletismo	Atletismo
	Patio		Patinaxe	Patinaxe	Patinaxe	Patinaxe
17:30 – 18:30	Aula psicom.	Judo		Teatro (infantil e primaria)	Atletismo	
	Pavillón	Atletismo	Baloncesto	Atletismo	Baloncesto	
	Patio		Patinaxe			

	<b>Comedor</b>	<b>Cociña</b> (infantil e primaria)	<b>Xadrez</b> (primaria)	<b>Cociña</b> (infantil e primaria)
--	----------------	--	-----------------------------	--

Tamén se ofertou o idioma da música e baile galego pero o número de solicitudes de usuarios foi inferior a 8 e, polo momento, non se van levar a cabo.

Todas as actividades propostas dende a ANPA teñen carácter lúdico, educativo e/ou deportivo e están pensadas para promover hábitos saudables, dar a coñecer distintas disciplinas artísticas, físicas e culturais e, ao mesmo tempo, facilitar a **conciliación familiar**. Neste senso, a asociación tamén pon a disposición dos pais, nais e titores un servizo de **ludoteca gratuita** para os días nos que se celebran xuntanzas no centro escolar e participa nos programas de conciliación promovidos pola Federación Galega de Anpas Compostela que se levan a cabo durante as vacacións de Nadal, Entroido, Semana Santa e no verán incluíndo, todas elas, se o número de usuarios supera os mínimos requiridos, servizos de madrugadores e comedor.

### **3. PROMOCIÓN DE ACTIVIDADES LÚDICAS E FORMATIVAS DIRIXIDAS A TODA A COMUNIDADE EDUCATIVA**

A Asociación de Nais e Pais de Alumnos/as do CEIP de Roxos ten previsto realizar durante o curso 2022/23 unha serie de obradoiros e actividades destinadas tanto ao alumnado como ás familias. Así, en función dos membros da comunidade educativa implicados nas distintas accións, podemos falar de:

#### **a) Obradoiros e iniciativas lúdico-formativas para nenos e nenas:**

Destinadas a nenos e nenas do CEIP de Roxos, tanto de familias socias (participación de balde) coma non socias (inscrición con pagamento). As actividades enmarcadas neste epígrafe serán temáticas e dependerán dos espazos que o colexio autorice, en cada caso, para a súa celebración. Terán carácter lúdico e formativo e, se é posible, celebraranse nos meses de decembro, marzo e xuño.

Dentro destas actividades, a ANPA contempla a celebración da presentación do libro escrito por David Navarro, ex xogador profesional de baloncesto e pai de tres alumnos deste centro.

Tamen temos en mente facer algunha saída coma no curso anterior. A organización e finalidade do evento serán consensuadas e acordadas conxuntamente coa dirección do colexio.



## **b) Colaboración e apoio nos festivais e actividades lúdicas do colexio**

Destinadas a toda a comunidade educativa. A Asociación de Nais e Pais de Alumnos/as do CEIP de Roxos manifesta a súa vontade de colaborar achegando **recursos humanos, materiais e económicos** cando sexa preciso, en todas as actividades e festivais celebrados nas instalacións do colexio e organizados polo mesmo.

Tanto o Magosto/Samaín, o Nadal, o Entroido e as festas de fin de curso foron festas nas que a ANPA do CEIP de Roxos participou e gustaríalle participar de novo nas que o colexio considere viable esa colaboración, sumando en positivo e na procura dunhas actividades máis heteroxéneas, abertas e nas que poidan escoitarse todas as voces que conforman a comunidade educativa.

Un ano máis faremos a chocolatada con churros e non rosca, visto o éxito do ano pasado.

Por esa razón, acordamos co centro encargarnos da parte lúdica da Festa de Entroido, con animación musical e exhibición de bailes preparados pola cativada das actividades extraescolares.